

沅
湘
耆
舊
集

沅湘耆舊集卷第一百十八

新化鄧顯鵠湘臯編輯

湘陰左宗植仲基校訂

唐布政仲冕

古體詩六十五首

仲冕字六枳號陶山善化人乾隆癸丑進士授江蘇荆溪縣知縣調吳江縣吳縣知縣擢海州知州調通州知州權松江府蘇州府知府推升福建福寧府知府時文敏公百齡總督兩江以道員奏畱江南勘河海淤灘地晦督濬吳淞江三權江蘇按察使今上登極擢授福建按察使遷陝西布政使三權陝西巡撫所至勤求民瘼振興士氣

興大利除大害赤繁繁劇措理裕如以老病乞休
歸僑居金陵卒年七十五先生幼承庭訓學有本
原明體達用有古儒碩名臣風性孝友自以其父
官平陰貧甚母卒不能歸櫬營葬肥城縣鵬夷山
山故陶山之麓也因以爲號嘗結廬墓側教授僭
下撰岱覽三十二卷以寄哀思通籍後時以不及
祿養爲憾事伯兄如父弟喪哭逾時令原之戚風
木之感時形歌詠有陶山詩錄三十卷陶山文錄
八卷天下士識與不識皆稱曰陶山先生今閭門
滄浪亭有五百名賢像石刻首吳泰伯終唐陶山
爲時所推重如此先生孜孜著述無日不親翰墨

晚歲嘗爲余言擬作衡疏以配岱覽未就而卒余始遇先生於淮上時方校刊全唐文往返談讌無虛日後十年余客皖城先生歸湘泊舟大觀亭下匆匆一晤旋解纜去逾年復會於淮陽時先生爲孝廉堂主講長公鏡海太常鑑季子竹泉刺史錢皆侍朝夕過從撰杖侍履窮日夕不厭而先生年已篤老矣生平欲輯湖南詩徵未成臨別諄諄屬余且曰將待此以瞑目今忽忽又十六年矣老病餘年幸及見是役之成憾不獲起先生於九原而一質之也

嘉定錢辛楣先生大昕云陶山詩筆力橫絕字字心花結撰不肯拾人餘唾而實無一字無來歷抒寫懷抱能達難顯之情而不入於俳詠俳巧之習夫惟大雅卓爾不羣吾輩但

當退辟三台而已無錫素小峴侍郎蘇云陶山居
官勤勞政事濬於榮利以其暇修治占蹟接禮寒
波意趣超然野菟之外三楚多詩人余所識者湘
陰周半帆新化孫石溪其尤也兩君一爲縣台一
官學傳皆不幸以歿而陶山亦尙困於簿書歎掌
中其詩雖屬騷發鏗旬振蕩又能以易直于諒之
心形諸篇什長洲王惕甫學博芭孫云陶山始至
荆溪以大買書通其帑其後改官五六處輒以書
俱暇則劾其山川交其學士大夫蒐舉隱樸褒持
諸官則以寓諸詩海州許喬林云吾師陶山先生
詩錄始乾隆癸丑訖道光丙戌仿古人一官一集
之例有臨津集松陵集閭居集假司馬集西行集
南旋集青村集平江集胸海集崇川集雲陽集蘇
辛集凡十二卷此辛未冬手定也有崇川四集五
集連嶺軒集歸雲出岫集養筠謬集吳淞江集三
十六環野室集凡八卷此庚辰冬手定也有琴月
山房集廉車集音聲樹聽事集東歸集凡四卷此
癸未夏手定也其癸丑以前詩爲姚姬傳先生選
存者別爲詩前錄二卷皆先刊行癸未歸田後有
小東園集四卷今竟海寫本開雕共二十八卷合
詩前錄二卷總三十卷其梓者足扶詩教之衰次

白題岱覽圖

亦衷於詩史之正者其摭寫性真原本忠孝則此
三十卷中字字皆心血所畱也歸爲國老齒宿而
才益健迺用杜顥至十七疊又用東坡紫尾
堂韻至三十疊騁奇關捷運腕入神去冬小雪時
盆蘭忽得五花賦十二韻詩距撤瑟僅數月耳而
筆力猶如此亦足窺道心之泰而浩氣之長存矣

背育鬱嵯峨煢魂照孤耿夢我足廿年東遊豁一省先公
宰傍邑吾母葬支嶺因之熟往來从憩林壑靜仰跨飛虬
顛俯矚孤鴻影倚石撚吟髭向若儒禿穎念此一握青殷
於念鄉井有客寫爲圖筆墨致清迴咫尺論千尋重思雲
臥冷何當岱畎畊疏水完素秉

徵漕歎

吳江漕十萬冬運十之九今年觸常潤蘇艘急交受縣官

拙催科屢欲解章綬牽連不得去跼蹐蹈愆咎前期發徵
符刻限驅下走朱墨無時停呵叱常在口餓隸鬻敲榜邨
嫗竭升斗蟻趨赴倉廩魚貫釋擔負大戶囊壓舟餘粟杵
投臼出兌未及額發運大滋誦丁弁虎傳翼粒粒索瓊垢
囚徒悍且黠高下任其手輾轉磨誅求倉卒遭詈毆藏事
默忖量強顏愧童叟民言官素廉安肯錙銖取吾鄉重租
賦吾田傍澤數勞則竈產蛙蟆則星在甕收穫視他縣遲
且兩月久索糧倍索逋失期或械扭追呼到鰥孤賣鬻兼
宅畝野有號哭兒室有號餓婦縣令豈無良聞之意恹恹
孽由官自作惡在爲父母仰屋泣數行有靦情難剖悉索
了公事何嘗甘克培願民諒其衷唯唯復否否爲政求民

諒此意亦可醜唯當投劾去行矣戒我後

田間父老與語

吳民不畏官況親履阡陌從吏勿鞭呵緩頰問雨澤野老
前致詞竚立手負戟爲言好菜花且喜青青麥麥期充餅
餌菜足榨膏液又種荷花草糞田無磽瘠今年勝往年春
華已驛驛愧無足民才聞之手加額天特恤農勤民應趁
土脈滿地皆黃金踐踏吁可惜時方慶蠲租無事煩五籍
朝無吏打門夜有雞棲柵慎勿逐嬉遊善自彌罅隙吾寬
未可狃來者有刻覈水懦易招猛束慄恐轉迫聞言各點
首老幼相扶掖前村聒鳥鹽來繞雙鳬鳥

臨淮關

臨淮古亳州淮水斷其城縣邑既裁併斥堠猶崢嶸異時
淮爲患今則河屢驚去年渡淮水清口水正清其時浚新
渠畚鍤萬指營宇亦雜徒卒深廣就使令乃闢渠成後再
塞復再傾淮黃尙未合上流河奔騰臨淮今問渡復作洮
河行河源非所求轉餉給邊兵

國富甲前古近耗河與征赤子弄矜棘度勢不足平但得
廉恥將誰非耕鑿氓泊河無上策歲歲煩發征漏卮不能
塞沈竈將焉升昔禹鎮巫祁淮流永奠甯播九同爲逆灑
澹功克成諸公膺重寄何以慰黎蒸遠役奚足惜臨流空
復情

按先生過勅牧令最久所至皆水鄉於農田水利
講求不遺餘力在海州有平子河之役在通州有

渡城河之役最後有履勘河海淤灘地畝及督辦吳淞江之役其先往吳江時子役河工兩次著引河蒞役引河行洋洋數萬言河事利害及治河得失皆備篇幅太長不具錄

靈寶道中卽事

將至曲沃城途遇潘楊睦家居在郿鵠避寇出潼谷云當二月中庀材謀葺屋忽聞羣盜來有似風雨速挈孥渡津涯徙器出崖麓粗畧具賄財踉蹌走僮僕升堂望村堡野火照原陸不聞干戈聲惟聞婦子哭西安且戒嚴羣帥事追逐幸搖出關鞭乃轉入關轂王程雖有進亦宜謹信宿我言盜如毛焚掠極荼毒天心仁斯民鼠輩命已促近聞新總制號令甚嚴肅善鼓軍中氣盡獮草閒伏我不持寸兵爾歸復邦族

亭口卒

濟涇至亭口役車當受替亭長告早辦及至反畱滯藉口掠商旅納錢縱之逝老叟忽叫號市牛方投稅盡爲亭長敗駕車且私繫聞言詰亭長接括所藏閉餉橐得過行行人亦蘇憩驅車出里門道左多積幣問其車與鹽山谷暫匿蔽亭長一爲虐賈客皆欲涕况夫爲民牧侵漁藉權勢臨水發長歎濯足悔何逮

紀漕

詔徵東南漕其政宜清肅爰命撫臣起自注謂岳小瀛中丞廉介卿所獨小民困徵輸毋俾溢斗斛往時苦軍丁求索無足欲今當立法始犯者加刑戮公言三首縣倡率流行速吳越

多山田產米異常熟選擇若過嚴浮盞反易足因地而制
宜民情乃悅服當其定議時羣疑方滿腹我公持以堅
璽書特褒錄自注江南辦理最妥朕早有所聞善政原章積
重豈難復請看繁華地貴粟賤珠玉

伍堯梧門祭酒饒飲極樂寺因拜西涯先生墓祠

夜雨開曉晴郊原淨如洗招提敞虛亭林樾搖清綺似聞
子規嘯散步入墟里新阡拜昔賢况乃吾桑梓當年懷飛
堂匡時有微指彥博既同譏庭堅乃不祀身後三百年封
樹出遺址天道有時窮因果信佛理慨歎求西涯微茫辨
煙水

慈雲片影石

陶山母氏兆卅年始樹表未爲守冢人欲作移山老山遠
不可移雲深不可埽趺足感秋霜迴頭戀春草片石方且
巖隆窠含竊窳得之菩薩巖攜來仙人島山形具體微雲
氣隨心造鴟夷隔縣邈馬鬣見環抱豈惟具袍笏直令懷
襁褓供養琴書閒對影憶幽討疏窗入晴暉時有白雲繞

祠竈日舟中作

家人有嚴君善惡必奏錄天高聽以卑準之爲禍福下民
畏無隱膠牙乃私祝我則導之言敢云行盡淑旣當伺幽
微豈弗敘勞碌宜言下土臣賦性少回曲半生嘗苦辛伏
臘無休沐比戶方祭陞行炷獨水宿嘗尤固多端跋涉或
可贖願令長跼觚何妨飯脫粟勞佚得均施富貴非所欲

陳詞我無媚司命爾其告

次韻門人許石華

喬林

校刊海州志成三十六韻

一手難成書蒐討衷先正武功與靈壽簡嚴今莫並嗟余
不自量餘梯輒思牆荆溪吳江吳發端無究竟規模方草
創議論已紛競此州最淳古百年缺志乘絃改轍屢更領
挈裘當振疏濶愁瀋拾零櫟愛盤飣舊冊或新鈔徧觀復
兼聽治罷官文書窺牖月光映僚友盛文儒述作乘氣運
今日儻蹉跎後日誰裁定諸賢語彌篤千古心相印士樸
多遭聞時和無劇政因之任編纂所賴羣考鏡亡友魏文
學標事類長頭問同年汪郎曹梅開初稿乃發軔地理稽
周秦職方訂數鎮東海原分胸北魏始置郡詎古旣斟酌

取材必雅令庠師翁祭酒

咸封

學與行俱峻得閒見史裁

聞微本經訓喬生守師傳

紹傳

記載無阿徇沈生老明經

祥恩

文獻掇殘賸贛榆與厚邱
屬書當併疏山理宮霍

脈水察濟汶條若網在綱從如膠之靳懷仁周通守

萃元

甄韜至衰病懷文呂觀察

昌際

能爲月旦評結體標方州

逢辰紀嘉慶吳子擅圖繪雲霞與筆迎懿我平如淵瀛藉

春容應實事求其是虛詞徵以信適余偶移官帆席窮江

進微君日孳窮於義豈詳盡攘善吾何安作詩爲左證

自西郊至白蒲勘浚河深淺

居官治水利善建不可拔苟非信而勞雖令徒強聒州爲
煙水鄉舟行通海澗去年忽嘆乾鹽米無由達權宜請江

連風汎或阻過嵯賈事疏濬鉅萬供指撥茲非鹽所經民
情多蹙頽姑召業與佃食力共隱括聊浚淤泥淺漸使流
鼓活入春雨雪交如漿澤枯渴涯新集舳艫價已平粗糲
循行測水深淤渠游獵獺雖同溝渰盈恐爲晴霽奪湖源
自長淮已似衝風末頗憂勢稍高又慮濤方割計惟引江
潮旱潦設提闕無德孚吾民舉事戒輕脫長願足三箇開
濟待明豁

送長兄南歸三首

梅雨一晝夜溪流到柴扉津通舴艋入雲散駕鵞飛吾兄
六十七三載情相依考滿合更替故里先言歸方苦塵容
瘦恰趁波影肥握手臨清流蜻蜓上葛衣

沙汀耆舊集卷第一
衣葛更裝棉近海五月冷因之感衰齡忽復傷逝景孔懷
隔宦遊既翕同鄉井季弟嬰沈疴一別淚如綆惟餘我與
兄相對輒耿耿兄又攜鳩還行飯遙祝哽我如馬失羣懷
歸未能騁

老驥志千里那堪疲病兼雖蒙孫陽顧筋骨終自嫌兄言
當努力我去行復詹豈知官舍聚不若邱園恬松楸缺祭
埵歲月亦已淹人生能幾何霜雪各滿髯及時賦歸來同
話舊茹檐

次韻伍堯梧門庶子見贈之作

久宦嬰沈痼常懷故山廬如何隨計帳似賈求羸餘且喜
入京華或可償詩逋步履小西涯老樹何蕭疏相見各言

疾一笑還桑歎館閣與州郡在苒皆白鬢清濁雖有異同
爲勞其軀念我四三友生年癸酉俱強者弱一个自注謝蕭泉
兄強不若渠所須惟藥物何必氏倉庾問余何所病司空
城旦書治河與轉漕無策堪發攄陳力合知止蕭散全吾
枵公亦謝令僕欲跨襄陽驢酬對古名流孤龕興不孤

假歸鍾山憩書樓用岑嘉州因假歸白閣西草堂韻
客返山下屋雲生城上峯雲與客俱來護此堂前松種松
松漸老看雲雲正濃木爲置書筴因之憩塵蹤身閒勝藥
餌意愜忘窮通妻孥頗自得冠帶誰爲容暫喜適旬沐何
勞問宿春柴門數歸鳥野寺聞疏鐘

聞鑑家 恩授職檢討詩以易之

文思重詞臣庶常復親簡吾鄉一人畱幸被臨軒選少
小愚於柴先公愛同銑自注曾銑膝下嘗抱持堂前爲洗腆
貽厥果成名手澤空遺簡克家貴繩承報國非淺軫摘辭
雖小技簪筆乃鴻典况逢堯舜明羣推俊良顯敦品枉
所先勤學亦當勉廉以節用全孝以守身善重之以修能
何患無施展吾得自庭訓爲汝特論撰

舟中晚涼示錢

煩暑來清風喘汗爲之息倚窗啜茗茗縱言至昏黑省侍
從都門詢問夙所憶述及長安邸偶遇平陰客八十老孝
廉滿姓名秋石追懷世餘載詳道先公德父母神明利至
今尙銘勒我聞輒繫轡斯民三代直本以令起家儒素畱

道澤汝年雖弱冠邑長新受職永言繩其武莫負傳清白
記取辟咎時涼雲生几席

按公父名煥字堯章號石樓乾隆辛酉舉人官平陰知縣有惠政祀平陰名宦著有尚書古文辨偽先生經學吏治所由本也其詩未見附議於此以待他日補輯

浚城河

貫城河如帶東西設水門舟船可出入啟閉相吐吞積淤
成湫底爲淵只泥桓如人苦胸膈結轆生煩寃安能暢於
支所貴滌其源謀成雨初畢時及水正昏居民自鼓舞善
溝已潺湲流惡人病已通貨市情喧地脈開文風自協形
家言因思決壅滯小惠何足論

請假雜詩五首

五十不造屋六十不製衣如何榮利場刊老不肯歸榮與辱相循利與害相依况今州縣吏局促爲人職憂虞無少閒疾疢不相違人生能幾何及時圖息機

進取固爲難引退亦不易幸幸去窮日反慮追者至文網太詳密巧宦徒趨避財賦之所出少縱則多匱謹節無侵漁又疑饒貨利皆未許抽身况以才爲累散材聊自寬初服終當遂

吾友孫公和蘇門懷素秉相約早休官侍養先得請而我猶遷延豈不戀鄉井欲行將接浙所患同決娶僦居有五松負郭無二頃從容謝簿書偕君事幽屏

昔作憩書樓萬卷寘高閣全家入官舍斯樓長健鎬敢匪

蠹魚穿開窗蛛網絡因之
脚棟宇亦復滋鼠雀田園非所
求棲止常有託呼工葺門
牆移花補院落結習迴未忘登
樓試腰腳

殘臘雪初飛冉冉歲云暮
僂指二十年傳領叢中度今雖
隔鄉閭且免治牒訴客館
異官衙浮生元旅寓况復偕吾
兄此閒聊小住煖熱添枳
盆柏酒醉荆樹真成泛宅圖便
擬歸田賦

次韻賀耦耕編修

長齡

見題近集因題其詩卷

有志事蒐輯張吾大國楚
肥見兼咫聞數典慮忘祖詰匠
善掄材族庖奚越俎太史具史才
人物綜前古清言追甯
馨雋氣傳阿堵疊疊春雲
敷軒軒朝霞舉江鏡鑄波心湘

綺織秋杼鄂不照美核馥郁聯芳杜敢命宋衙官概刪陽

伴侶吾鄉近多奇炯強不可撫前輩難具書新英得親都

醴粹見性情慚嫌思建樹江夏有雙丁無雙占文譜自注謂黃

兄弟今遇陶通明詩源紹齊魯自注謂雲汀諸賢盡探驪此事

異刻楮功成三伐毛采耀五雜組湘西流更深召南風可

補老矣何能為如蘭初抽緒選樓集千家秘閣登四部騶

壇羣振響藍華易袞翻自注余時有湖南徵之役故云

題伏生授經圖和淵如觀察時淵如撰伏生注疏

自昔治專經壁藏湖秦劫尚書著辨偽先子有家法梅閭

皆據證陳義獨融洽考異登四庫折衷垂令甲通儒迫

姚姒梅書雕成匣惟訂廿九篇毋以序承乏泰誓殊張霸

定宇在記劉匪惟研覆精注疏細拱抑自言洪範理鄭注
猶淺陋甯非濟南靈誘衷倒三峽况曾置博士釋奠神從
祐斯圖類鑄金日久架懸鄴玉躩手新題珍重同梵夾屬
余一披圖古貌見眉睫掌故拜牀前頗異臚顏恰微言當
口授不櫛非近狎君才軼漢氏聚訟從喋喋大師若桓文
牛耳誰先歟鯁生讀父書道合喜心怡願常爲都養豈但
牙籤插兩家各孚翼雛鳳勝雛鴨自注淵如詩有我長未出之句更看
伏生孫永振金華業

次韻題鄧湘臯詩卷

風騷敬維桑學詩自笄鬋一言思無邪正始鋤異種半生
老輪囷未得終畝塿交遊跋高詠歲月付閒曠每聞楚有

材狂喜至曲踊著述足千秋鄉井亦增重資水之所經高
平山勢聳中有三君子首望各身攬槃槃歐陽生出詔令
人恂得山氣鬱蟠得水氣濛瀼五管及三關取材獲高棋
傷哉晏同叔七歲珠出蚌意合九和弓詞鍊七返永方冀
餘昂霄豈知蠶化蛹奚囊賸幾卷薺菜苳蒙菊賦成李賀
樓筆埋劉蛻冢鄧生饒於才秋江挾潮涌汨汨肆排宕積
塊不能壅真如九臯鳴振翮毛無毳亦如萬夫雄麾旄手
自擁沙汰揀金鏐方圓中珪珙時爲登阪驥不作人牀蓀
袖中有東海波濤堪振恐三君特精能視我徒長冗山川
固鍾靈師友亦接踵其前有孫登舅弟共矜寵又有吳興
楊進道稱其勇一邑數詩人造物乳生渾如何界付青蓮

飾復桎梏亡者爲冉顏存者曰周孔但苦刺投門那有書
赴隴邗江始遇君足音報鵲獲示我歐陽詩畦畛力墾耨
屬序晏楹罔悲緒春草茸科名成何用不如積禾稭今年
湖湘開稻熟颺嗷嗷感君獎藉辭歸興關飛動

重至海州乘舊船名鷗影者感而有作

昔吾與鷗狎一出盟已寒海上未忘機浩蕩誰能馴照水
愛其影製爲一葉扁乘之欲凌空直到三神山風輒引之
去淺挂鯢桓蟠重尋有鴻爪勇退非鳶肩轉眴逾一紀乘
傳又經年影還落吾手鷗飛何處津感茲物猶舊憐我跡
已陳鳬翁似我貌汎汎豈不閒胡爲老風濤致令鷗笑人

九月十四日

先君覽揆辰長兄生同物高堂昔洗腆隨肩拜簪紱一自
棄養來劬勞感荷蔚猶賴家督存育微未荒泐今年失孔
懷歸櫬已執紼天親邈難追子弟事永訖秋氣何悽清秋
懷倍怫鬱邱墓雲空懸田園草誰莠設奠館庭涼旅夢來
粲粲

潛吳淞江先築禦潮壩

吳淞塞當開先防潮激射旣築遏湖隄喫緊此東壩曾聞
雍正年大汎輒陵駕屢築不能成太守隨潮下至今陳家
渡周鄭祀鄉蜡亦越乾隆中泊河卒可借地近野雞墩材
資羣木架今空廿四丈萬金爲工價岸與新插鄰勢將重
湖迓河卒或易之初台幾倒瀉疊以土壘闢加以金椎衍

培壘已三成澎湃始無罅當其措手時忽若溝塍藉及知
向若驚慎於呂梁跨懸涉溢滄渠蟻穴潰波漾疏畧患從
生前輩况嗟訝

巡功

是役我爲植曷敢有甯居畫方六十萬鳩衆五萬餘尅期
在歲杪積錢爲儲胥傭直最優厚役徒宜爭趨若非躬勞
徠恐或行趲趲董之以田峻準之以河渠溝通中水綫土
棄大路隅時幸寒多齊河雖深不緒天猶愛民力官敢忘
簡書因之戒僚友勉以慰窮閭顧我實衰朽且辱在泥塗
迴憶廿載前執扑巡淮徐轉瞬迫遲暮執掌猶故吾

還養筠謨

客夏築謾門拓地護新筍籜籜未浮筠門垣初塙枌官符
星火催役車且暮引出門顧屢迴別竹念常軫安報寄野
梅流光捷朝菌往矣榴火明來思桃浪緊遙瞻連理楸先
問出牆籜孫枝歎有折老鋒幸無限本圖小自適經年未
能近三湘况遠途萬个付虛牝美土不如鄉高官不如隱

雜詠三首

曾子有淑母教育成大賢迺以愛惑聰投杼且踰垣慈父
如吉甫誼倅如周宣由來聽讒者非必好惡偏不信虎在
市其如蠅集樊設身處其地恐亦難舍旃所以界有北專
責萎菲言

譖人亦勿責君子責在己木腐方藏蠹肺癰因附蠅果能

慎微疑何慮銷積毀邯鄲禍楊楯新息誤惹苴况以口致
戕無異肉生痕阮公雖放達與人無臧否反躬思自全當
從慎言始

慎言可寡尤謹身庶鮮過木訥固近仁囁嚅亦柔悞厚貌
疑深情爲諛當立破澤麋蒙虎皮往往遭痛挫止謗在自
修無辨更無情浮華市人憐清貧賢者賀忠信苟無渝人
言藉磨礱

畱別吳門

好鳥不歸山飛鳴神弗王受祿不及親空言事追養鮮民
感風木筮仕已悽愴差幸脊令原孔懷得和暢季弟忽早
逝哲兄近復喪前年攝外臺對牀酌春醪今雖荷新除欲

語復誰向天末聞孤鴻臨風發悵悵

人生非鹿豕安能常羣聚遊宦本浮雲信美非吾土而我
來吳會歷官如倉庾臭味無差池情意同肺腑交遊三十
年子弟成父祖今當遷他方那堪別如雨詩章爲瓊瑤禮
義爲干櫓雜贈無以報永言藏胸宇

錢還自都詩以戒之

蜻飛海翁愁馬失塞翁喜幾者動之微禍兮福所倚汝以
賢得官再遷至刺史未收輿生牂旣覺柯盤蟻乃復貪苓
通不顧贖甘旨幸遂明發懷又受終朝褫千里適歸來七
袞方覽揆蘇季慙妻孥左思愛少子念汝初生時何嘗有
朱紫念汝嬉戲年何嘗有冠珥汝父已崇班汝兄亦貴仕

無以報 君恩衰病當知止豈容更負乘况汝曾顛趾事
親有餘樂求官不如已往事良可懲勿詒而翁耻

題鑑兒讀書圖

汝猶在母我計偕汝生七年我歸來是時汝祖七十五抱
汝置膝相嬉諧云汝未能了瑟閒日誦百名音尙乖但喜
椎樸視毋誑勿以愚魯棄不才我時承命勤課讀不敢捶
楚驚堂階十年五經粗卒業習爲帖括多刪裁卽今惟餘
范喬倪遺書幾束藏空齋居然作圖標所志汝志邁往吾
悲懷要知汝父豈足法祖德未遠求津涯學先器識後文
藝慎毋忘汝初提孩

修先農壇

官民皆以農爲命此語語官官不信力田逢年民自私官
司默受農夫慶江南農民少葢藏歲一不登多道殣卽令
守宰盡糞黃自古抹荒無善政往年松江海潮上傍海仇
疲悉蠲振勾稽出納煩大官竭蹶補苴嗟縣令去年徐沛
水爲災長吏雖才亦不稱以工代振治堤埽發倉振廩吾
君聖小臣本自田閒來勞農聊可隨田畯荆溪往歲輒豐
穰吳江此日免飢饉吏才拙藉無事藏民生蹙倚神庥定
如何壇壝祠先農敗瓦頽垣失誠敬重興棟宇四阿懸更
治階阼三重正九壤先耕受厥明一言致禱神其聽官如
不職譴在官莫將瘥札爲民病

暮雨過龐山湖

曉風作霧雨如練十里湖光天一片菱蘆春長綠如煙入
鴈漁舟深不見牽纜方驚水沒腰推蓬但覺風吹面斷雲
飛送遠帆來欲問前程急於箭須臾暮色忽蒼然桑柘陰
陰人芳甸沙鷗數點是龐山贏得人呼山水縣

登黃樓

去年被檄來徐州趨公無暇登黃樓今年于役隨節使循
城覽眺客獨遊城隍相距不數武女牆睥睨平土牛樓在
城隅近北峙河橫樓外經南流憶宋熙甯方十載澶州大
潰趨下游溢南清河入淮泗居民欲走太守畱不避塗潦
呼卒長大築隄堰蟠山邱呂梁百丈雖湍怒彭城三版仍
增修蒼黔完郡免魚鼈雌黃塗壁欺蛟蚪太守爲誰蜀蘇

賦記樓有石屬于由至今樓上並戶祝對牀風雨如相酬
霸王聽邊黍豆晚戲馬臺畔榆楊秋洪濤巨浸不可測當
官須識憂民憂

九月八日冒雨遊支硎至天平山是日爲余生辰桂
堂太守先有作次韻二首

滿城風雨年復年彈指往事空中煙前年此日赴都水北
固山下揚舲船去年于役仍秋天黃樓落木爭霜妍迴思
縛紵逐塵鞅輶車欲到青海邊我生之初月宿斗磨蝎已
注三生前事劇那能容席煖政拙安望同郵傳偶緣休沐
尋豹隱自愧蹉跎逢變憐清樽好稱幾兩屐錦瑟橫絳五
十絃故人先奏南飛篇臨風三疊撫胎仙我如跋起瘠能

語宵雨打柴求林泉

風前落帽孟萬年况兼白雨和蒼煙登高興發不可待便
攜腰笥停溪船支硯初地兜率天巖光樹色分清妍午鐘
出遠林外老鵲飛過寒山邊不見懸流千尺雪但有峭
壁橫樓前天平萬木密無際馬遠賸筆何能傳新菊小圃
已斲放殘桂餘馥猶堪憐花山含霧石似筍箭涇得雨水
如弦檢點白傅白雲篇天門一綫凌飛仙卻問登臨興無
盡坐埽茶竈煎山泉

石室書院和許生

桂林

仍用東坡和蔡景繁海州石

室韻

東海后孟傳經處禮門初啟無岐路匡鼎說詩解人頤一

埽別風與淮雨蕭公太傳于丞相漢時人物真有數類以
經術爲名臣俎豆千秋仰祠宇賢哉教授有二疏至今樓
在還題墓蘭陵郊承辨紛紛景行皆宜奠清醕宋世詩豪
石曼卿奇情自是芙蓉主胸山化作度索山舒錦錯繡映
巖戶蘇公游接蔡公游求仙莫羨童男女我來觀海先觀
關秦東門外色飛舞前輩風流不可期後來秀傑誰能伍
重開石室橫臯比敢謝雷門持布鼓抗顏都講方鏗鏗挾
策從遊蘊楚楚不聞冰車鐵馬聲但與博帶褰衣語興學
當追曲室戴笠詩輒遇平輿許名章俊句知襟期琪樹瓊
林重風土願同河伯向海若直以耳孫求鼻祖花老室荒
匪自今經明行修定如古笑余何術兼官師朱墨丹鉛度

朝暮

鹽漬水

鹽漬水注川谿鹽漬人家爭築隄水日長隄日低大隄爲藩小隄棲十家相比百家齊敢有窺隄者終夜敲鉦鼙東鄰有沈民數十爲羣雜旋倪擎舟嚮隄傍隄宿隄中大猶紛糾稽詰其少壯且綬之老幼婦女喧號囂夫方顧其妻母方乳其兒盡投之水以滅口三十六命如犬雞更有甚於此覆之以舟燔以燧舟底逸出蓬頭婦橫楔隄口加畚泥其他累累葬波聲處處聞悲悽是時官奉詔振卹徧烝黎及去時猶與寬假稱排擠豈知沈冤不可赦輸情定讞射陽北范隄西國家金錢不惜二

十餘萬兩大
廩廩佐羹藜如何死於殘殺死於法雖有
萬手無由提

袁浦水

袁浦水夜半來 家爭起登樓臺樓上水深二三尺人猶
守護樓下財樓下財不可保樓上瓦不敢開水高及簷樓
已摧是時障河修五閘大舸小艇淮之隈齊呼印須無一
舢舨助虐冰崔嵬大官騎馬出小吏乘桴回急散金錢
與糗糒便死不願蒙解推百年孥賄悉蕩析縱活數日終
沈羶民哭官亦哭朔風爲之哀陽侯不肯退滿浪增喧厄
三百不能減尺寸人力難展眞天災

聖主籌河

識藉黃濟運爲禍胎都水使者方寫駕輶見漂沒多

以水衝糜百萬薦剡登羣才如何蟻穴一潰成巨浸坐
邑生蒿萊

種樹篇

種樹欲成陰種草盈砌成陰難待松與柏盈砌不求蘭
與蕙松柏礫硤多節目蘭蕙幽芳在空谷惟有檇柳及蕭
艾用力既省成功速檇柳豈無材蕭艾亦有葉公輸與靈
均棄置目不涉天生此物何太多人實種之將奈何

行至海州許生月南迎以詩依韻答之

澤門詛祝病子罕十載重西壯瘡掌邦土有司空書琅
邪先斥齊曰緩可憐海濱斥不王窮黎一日難再飯又遭
河溢騰桑湖流離繪圖不烈鬻當時便欲遷尾閭持論安

能不直侃微禹其魚今仙相衝風冒雨屏蓋慙立排羣議
軌始順莫厥攸居巢未穩墊隘卻得淤泥肥長養漸覺融
鹵遠畝收十鍾亦偶然迴憶沈蕃淚在眼計臣忍進戴師
策首陳利病賴公衮與水爭利民爭田二語真可破六筭
日出之民原而醇願以輸將酬飽煖吏人緣飾務求多經
界紛拏貴執簡我們能爲效馳驅非其所好徒惻歎無端
攬轡思范滂是誰在轂到趙綰繞亭猶見野雉馴持鞭促
使陂羊序君起廢鍼膏有欲作調人付一莞自注月南以數梁釋

序

將赴飛州舟至如皋水淺改由福山野渡浩然有作
淺水添波不可待忽憶門庭有江海篙工急作迴颿過

向扶桑看鼃采川祇慮我老而怯相送清飈催欸乃洪流
旣濟纔晨餐眼中未見浪崔嵬此去吳門祇一程豈惟事
逸而功倍年來首鼠太無能多謝神靈鼓其息至竟江湖
慎風波狃於三浪爲行殆

渡河

黃河之水何清漣云自洪湖注大川去年河溢睢州口橫
流直以淮爲淵黃金可成河可塞似言塞河如鍊仙金丹
誠非理可致宣防終賴功亂專前年五工同時舉人言李
樓宜暫延大吏成謀稟 睿斷尅期集事期不愆墊隘
早營平野屋鉤稽兼省水衡錢今時泛濫及盱泗汙泥入
湖湖可填流庸遍野 恩如郵使目濁漭計安全可健吏

者無少懈 九重宵旰哀顛連或言芻薪費鳩庀工需水
落霜降前我愚不識泊河策但見滢波異昔年迴瀾順軌
豈無術精誠能破金石堅白慙職小才又薄登車攬轡心
茫然

宿平陰縣

先公年六十爲邑長於斯小子十七八執策相追隨今余
年亦六旬外信宿重過如夢寐化鶴仙人尙城郭馴雉兒
童盡耆艾逆旅猶能識我顏龐眉爭喜談遺愛指其樹曰
公所畱指其石曰公所賚

自注謂
裴門山石

不然當時開募伐定爲

成例誰能貸因思我公曾有言爲政無輕小利害摩挲手

澤碑版孖隱然在望

自注先公修
城碑首四字

城東門欲攜壺惟事墓

楊愛護直與山同尊來朝垂涕謁祠宇奉嘗翻愧桐鄉民
讀周希甫東岡詩贍詩以哭之卽次其往歲同遊狼

山韻

君今乃與世長辭世途歷盡忘險夷獨畱詩卷如瓊芝心
花振采標清奇少年制行高巍巍讀書稽古搜逸遺青鏤
管與油素攜中秘殊俗親記之都廬竿舞雜水嬉寫入霞
牋光陸離秦山助筆增屢屨越溪覩女夷綺綦搔首巖頂
天爲低掉臂自倚百尺梯當時蔣袁門戶爭攀躋擢拔不
藉東風吹况逢庭宇愁折榱連道家書有是非高堂日出
銷煙霏索米長安道自肥晚始一第理難齊改官國子天
莫覩補外敢言五品卑撥煩幾歲纔一麾註誤緣不善趨

陪潔白自持同壁圭民之好德由秉彝大賢薦舉豈數奇
刺蘇韋白相等差州循不聽馬上繫可憐泊河若登埤盡
瘁驚傳松柏摧危言愛我和天倪騷壇牛耳君所尸有時
雄陣出偏師抑或買勇還交綏前年狼山喜繫維君詩右
有而左宜壽陵失步久未追豈知塵界空琉璃阻君膺設
傷心脾浮名如此拂衣歸自注余時方引退君能知否長相思
題名宦白秋齋副將愛聽讀書聲遺像

違山十里聞蟬帖仁聲入人久不渝日余初調松陵宰距
公專閫三紀餘故老往往道風澤謂余綏戢當無殊鶯脰
湖與南潯接支港曲渚藏崔苻溝通多匿設橫柵船尖易
駛裁方枘卹鼓纜發公先至威令真可警夜漁年遠政池

宵小伏我師其意嚴追逋毀其神叢編其戶不時鼓棹行
菰蘆船柵之制盡修復溪民恥復爲穿窬其時徵文纂邑
志爲公作傳美非諛及來揚州聽輿誦揚人感載同吳歛
衛民捍患合祀典吏民上告 天子俞我幸得爲年家子
惜生也晚未接裾覩公遺像謹再拜說禮敦詩將而儒如
在洗心亭中坐斯門弟子環讀書自注公於校場建亭名
洗心設義塾令兵子弟
讀書其中趨庭填篋誦翻水據座裘帶歌投壺書香已食南宮
報泊譜亦與中牟俱神之聽之無窮已克繼家聲視此圖

題鄧湘臯孝廉蓬萊觀海圖

我生人海半宦海不作風波亦驚駭遊歷偏與海爲緣少
小隨侍經渤海東萊城上望成山成山冰雪白皚皚中年

屢宿泰山顛午夜搏桑飛霞采爲觀出日聞砰洶輒思向
若蕩庸猥渡江作吏近吳淞城頭潮汐日飄颻遷官胸海
秦東門料理鹽筴兼稻蟹郁洲遙與滌洲連常在洪濤歌
鵠迺選格一座指八閩老怯沃焦高竄覓讀君蓬萊觀海
圖如讀君詩見眞宰摹擬蜃市三神山振觸魚遊四十載
衰殘合樣挂星楂好向湘江擷蘭芷願君賣洲乞杖乘緇
錦支機鎮相待

按嘉慶庚午春余遊登州登蓬萊閣觀海綸爲圖
一時名流題詠滿幅戊寅客桂林園燬於火冊中
諸老詩同付灰燼無一能記憶
者今輯先生詩至此爲之撫然

黃渡

去年船到千秋橋秋風小泊迎秋潮今年役車涉黃渡橋

頭郭水橫棹去年初度逐川路今年殘臘行關臯歲事
崢嶸不遑恤土功竭蹶甯辭勞人家桃符欲改戶予羸老
矣猶漂搖因思荷畝數萬衆淖深沒脛泥浸腰誰解拊循
辦同挾無煩驅迫鼓頌鼓我雖况瘁未沾體安能安坐圖
逍遙憑陵吳淞老江口疏鑿湖海通波濤雨雪或途謳不
止沿隄柳色窺柔條

陳禮園中翰

廷薄

屬題其十二世祖文莊公誦詩筆

因懷中翰弟桂堂太守

廷慶

勝朝瑞禍正統始乘輿一擲幾亡矣殿上初呼王先生厨
開解哭薛夫子文莊抗疏嬰其鋒一斥不復歸田里作詩
無怨稱堯民仰事俯育躬耘耔詞翰流傳四百秋駿烈昭

垂十三氏中書曷季楊清芬諸郎翩翩濟其美當代耆儒
皆品題鯁生何足贊前軌因思哲弟黔安公眞如姻婭無
彼此豈期早返兜率天而我今來滬濱壘相思宿草經年
多捧君疏麻如夢裏歸書遺直不敢辭欲質修文舊太史
六十七初度車秋船蔡曼受周與香師雲舫邀同胡
黃海遊益山設伊蒲饌因上清涼寺登翠微亭雨香
作圖秋舫以東坡陪歐陽公譙西湖詩韻同作見贈
余亦依韻奉謝

招我嶺山晴餐雪挹我西山曉挂頰乘興直上翠微顛環
擁江光助采烈秋空無雨亦無霜名藍掩映金煌煌衰齡
怯寒怕逢暖窮巖登眺喜欲狂人生胸次苟無惡何必修

仙球大藥苾芻頗解文字禪禽鳥但知山林樂餘霞照酒
波鱗生醉隨歸樵趁月明松篁夾路發長嘯絕勝擊缶彈
秦箏

灞橋

灞橋橋斷水無束野水連天泛平陸置郵急遞三日留落
夷款貢經時宿我逢半日雨傍沱凌晨欲渡驚洪河車欲
漫箱馬及腹忙呼泅者負而過漢時屯軍在灞上唐人折
柳橋頭望綠何今日涸無瀾漲發崇朝起尋丈昨職來旬
有遠謀深維水利關田疇况復夷庚通隴蜀立遣慮事籌
興修細審來源通去路預建隄岸排方舟如此大川非利
涉卽於王政宜先憂議者沮爲不急務作新不若守其故

年年瀾澹阻橫流官惟袖手無怨惡因茲築室未舉行今日蔥蔥罷官去

次韻楊芸士孝廉

文孫

謝惠唐石經元韻

勒珉錢板孰精堅翻矜宋槧輕唐鐫唐時小學猶近漢此
刻力追熹平年自坊棄野復輦入土塗木板開其先後乃
移置學北牖至今人誦龍圖賢當時剔土修殘闕難免剝
蝕殊簡編乾符增改宋明補幾存什一於百千如何辨駁
如聚訟將來著述誰仔肩亭林碩學猶復爾自鄧以下無
譏焉就中發難因送解敢云揚簸糠粃前旁注舛陋由監
本珠匣欲以泥沙填若據說文證石壁裒裒始邁非浮煙
商魯有頌難言什繫辭章句豈屢遷有亂十人不臣錫

自土田句法全妄指蕪累無師法奚啻入室操戈鉅孟蜀
趙宋從其桓長興重和流爲淵椎輪太和張司業乖訛或
被俗文章吾宗柱國河王友綜條雜辨刪糾纏特膺覆定
字體勅九經字樣章不愆七十六部爲一卷四百廿一字
相沿新加更比舊載密蔡許藝式爲真詮小子經學久荒
廢俗書曾未通王篇去年分符入關右觀碑如登大願船
十二經與兩字樣二百廿八石無偏鱗次甲乙周闕楯畢
中丞有舉墜權歐虞褚柳碣林立有唐一代書法傳中郎
殘字存幾許先河後海此祭川損奉命工拓素紙辦裝倩
僕裹青氊昭陽協洽返江左實沈之次日所矚知君窮經
兼嗜古截腴獨齎蕭稂褫分臚列紛皮閣點畫義疏供

懷鉛岫嶠山尖溯神禹岐陽蒐處稽周宣君詩詣力與韓
抗艱材欲和還遷延三古奇蹟且姑置千年法物無終湮
倚據星宿非率爾揮寫靈光愈巋然自笑寶山竟徒手得
詩珍重同佩璫輒憶官齋尙書省音聲樹老長苔錢衍罷
臨池思贊頌宏得原夫乞一聯

祀龍詞

年年司命無常居今年始得返舊廬舊廬亦非先世宅僑
居卅載同里閭久慙伐檀不家食今喜盛盆井官廚方循
節序謹齋祀宵半譖譖忽驚呼起視堂皇尙無恙西翼小
舍通前隅如燎于原弗可爾紙窗竹屋無須與頓熄方感
神護佑積薪門燬若蒙濡後聽相距不及尺前聽三分二

之餘若非融放項異救鬱攸從之已摧枯是時火行於冬
令日維丁巳月補涂女丁婦壬必有合太乙巳燭戊夜初
或云設醮乖方位允宜祭燼事祓除豈有旨酒供君醉幸
於綠章宥臣愚老婦疾難奉蘋藻大孫瘵苦勝衣裾其咎
固應由家長此火烈於打夜胡從此病者霍然弱者壽修
已自責敢貢訣

辭墓東歸

三十年前誓墓來三十年後奉身回博得五花歲已老感
深九原心獨哀圭田年儉缺饘粥茅屋山高披草萊道合
入林猿鶴引計成埋骨松楸栽浮家泛宅豈長策問舍求
田亦須材婦病孫孱且歸去斲辭白雲下崖隈

湘阜學博屬題其兄雲渠所寄聽雨草堂圖

令弟應詔上公車哲兄遙寄聽雨圖一行未免嬰塵網三
間尚可連牀居弟從兄命辭令幸文學博士還讀書兄誠
友愛弟誠悌此圖真合百本摹前圖巨冊題已徧新冊畫
者汪與屠我昔有兄十年長少小共引神仙裾辟舉方正
逡巡避輔我廉平朝夕俱暮齡先失左右手近歲倍覺形
影孤世閒難得者兄弟再展斯圖輒長吁羨君歸去勤拊
背雨風同聽樂有餘

沅州耆舊集卷第一百十八終

沅湘耆舊集卷第一百十九

新化鄧顯鶴湘臯編輯

湘陰左宗植仲基校訂

唐布政仲冕

近體詩一百三十六首

桃溪勘山二首

霜蓬重有聲人語漸分明殘月隱荒戍積煙空曉晴偶逢
村叟出喜逐長官行指說青青麥連朝雨後生

便返桃溪渡仍迴楓澗船荻聲喧落日鴉影破寒煙地憶
銅官舊人懷玉局仙漁燈時隱約知有雪蓑眠

廢宅花

春意不擇地閒花如向人那知庭院寂自放綺羅新絳蠟

尙餘淚香車遙隔塵多情惟蛺蝶依舊舞芳茵

庚申元旦恭紀

雨露眞無際雷霆豈在多先除上官桀已剪穆提婆內赦
通朝驛旁求到薜蘿風行傳渙汗小醜本么麼

國重江南賦民爭粟米輸皿盡原是蠱庚癸幸無呼莫謂
千艘困須令百室紓向來經制定何處獨膏腴

大府清如水諸司肅若神釀成三日雪和召一年春撫寧
慙無術豐穰信有因昇平民氣樂忭舞到微臣

陪方伯檢災海汴浹旬乃歸臥疾感賦

鴻鹵荒磽地風塵老病軀政疏空望歲民困勉求錫願
田三壤偏傷海一隅臺司果求瘼先請驗官瘡

行部褰帷至陳詞負弩先稻孫無復望耕父謂苦相纏飢

雀噪荒日哀鴻橫暮煙夜分猶請閒攬轡已淒然

流庸欣得請下邑又經過沐澣全通海湖流徑洩河人依
牛屋少地接犬牙多野盼飛章入歡聲滿澤陂

自我來東海長年不住車蒼龍春禱雨黃鵠夏疏渠乘火
接蠶賊籌鹽裕蟹胥繼經秋後雨種麥課犁鋤

今歲百年半來朝九日重商飈吹短髮曉露滴疏鐘客未

題餞集兒於落帽逢自注鑑兒自吳來馳驅空碌碌何計

遂攜節

兄自十年長弟皆同月生老因閒轉健宦爲拙難成鶴有

南飛曲自注兄年六十鴻無北鄉聲自注近未得衰齡鍾

枕被客裏倍關情

國恩原似海臣壯不如人但使窮黎活何辭大府嗔遷官
憑累歲行縣輒經旬訟牒迎門入頽唐愧此身

高郵遇鑑自吳門來卽攜歸吳二首

歲暮思相慰官閒喜乍迴前時曾遣信知汝必當來孤驛
逢人問衰顏爲爾開隨行親授騎江路夕陽催
未至停輿遲當餐輟箸籌米鹽諸婦理親串幾人畱比屋
方祠竈通津更買舟吳門十年寓便作故鄉游

建陽夜泊

洪濤如海勢小艇雜鷗羣不識水窮處但看天發雲投卹
無岸檣帖浪有橋分祗賸頽垣在呼號亦未聞

阜寧遇雨二首

行傍范公隄波橫路欲迷秋風半夜雨曉角一聲雞敗葦
粘天遠危橋帖水低船高知浪長近與破檐齊
一望炊煙斷朝餐不忍加秋雲偏作雨衰鬢又添華暫棧
船爲屋如棲雁在沙裝棉覺衣冷無褐更堪嗟

雨後行鄉

秋實遮無地途甘雨後漿小溪羣鴨喜高樹一蟬涼婦女
寬簷笠兒童短後裳新棉方上市採摘故應忙

舟中夜坐

舟小欹難定天寒臥不成魚龍催雨漿鴻雁叫孤檠窗白
月無影蓬低霜有聲病懷深似水翻覺萬緣輕

除夕感懷

亦有親朋聚同園
楮盆卻將衰暮淚
灑向春令原駒影
真過隙桃符又貼門
少遊曾握手勸我返鄉園

舟行夜雨

大川方利涉驟雨不終宵
舟坐才容膝官行爲折腰
電明蘆葦影風長稻梁菑
暑退聊欹枕維亭問早潮

立秋日勘海門合龍五港

自注有議設橫木者
故制府檄令往勘

四海爲家廣重門
孽析嚴如何橫一權
便欲廢三監舟負
難藏壑九封豷塞函
莫言溪澗小萬斛駕長帆

小人爭利近大法
設防周潮長三篙浪風生一葉秋
道謀猶築室網漏或吞舟
卻羨滄浪叟忘機到海鷗

繡錯分州壤川流共此津鄰封豈是壑水監不如民開堰
西門豹循阡召信臣被符當盡力攜襖趁涼晨
提關商津吏宣漕問野農觀瀾驚皺面飲水滌塵胸夜電
崇朝雨秋雲昨日峯禾麻紛滿眼籌畫莫疏慵

六十生朝淮南舟中自述

頗思逃賀客忽被檢災符戒旦風吹榜窮秋霜滿鬢浪頭
如我白病骨共民癯豈有兕觥酌惟聞庚癸呼

水衡籌駸襄澤國數哀鴻瓠子歌河伯芋魁怨翟公白鷗
雲亂影紅蓼岸連空補救徒蒿目長淮款緒風

對此長天色彌思命世英金隄緣蟻潰砥柱賴鼇擎知短
偏憂杞身衰欲守彭驚駘怯奔走曷弗事歸耕

作吏安吾拙浮沈二十年宦囊餘藥裹官燭照華顛落葉
西風路歸帆暮雨天蒲濤煙水濶自在釣魚船

行鄉二首

小艇不能濟危橋時恐摧偶緣徒步穩親課蒔秧來鷗外
雲逾黑棹邊水自回歎蒸人卻喜爲有雨聲催

與民同祝雨如我合歸耘苗秀憑何化林臯動所欣安槽
明照屋南穀暗呼雲回指城闌路前山帶夕氛

過東平州

落月隔重林寒帷曉色侵薄寒搖短夢平野入遊岑澤被
遺黎遠自注乾隆年東平大水先大夫奉檄檢災民沾實
惠其贈東平牧詩云承帝曰咨分命汝敷民於
水力雲依宰樹深山自注距陶谿堂何處是懷古付幽禽
迴天

陶山展墓

泰岱羣峯母兒孫倚碧霄煙能分九點雲亦徧崇朝壁立
堂房古秋天紫翠韶隔巖人語響石徑指山樵
渴葬當時事清貧無奈何自詒君子穀不犯邑人禾華表
千年鶴蒼崖百尺蘿特營高敞地洞口曉霞多
遠遊人子戒况復撫幽岑縱有焚黃禮終非戲綵心墓田
輸鶴俸肝表倩龍吟來往何匆遽時聞返哺禽

淮南舟中漫興四首

天低湖畔水木脫晚來秋竹露滴空渚蘆花飛客舟西風
纔拂面八月已披裘歸思逢窗倚寒鴉上驛樓

舟逐曉雲影客涵秋水心涼颺欺短鬢殘月戀孤衾近市

揚州語懷香楚國吟蒲帆今得便鳥雀亦佳音
憶昨邗江泊春殘夏正初杏泥隨小燕櫻筍薦鱖魚秋到
潯聲壯寒生桂影疏往來無幾日榮悴竟何如
披霧認揚子挂帆今幾回波平秋滿鏡風細客銜杯支港
通潮入叢蘆拂櫂開青山喜迎我迴欲過江來

望揚子江

欲渡苦無舟徘徊謝遠遊大江千頃浪自在一沙鷗宿露
山光破歸帆樹影留甘爲僞父語名士聚揚州

旅店遇雪二首

下澤連程雨笏簷徹夜風一生寒到骨數點雪飛空杯泛
茅柴白爐炊餠飢紅人生元逆旅何必歎飄蓬

地僻人聲寂風高雪意凝板樓宵聽雨土室晝挑燈小住
知無定幽樓愧未能卻緣枯坐冷江上憶漁簪

夜過毘陵

送舟嫌汝小近郭喜更嚴客枕微聞櫓郵亭已報籤酒顏
緣雪減帆葉爲風添水外雲生處

自注夢中句

寒吟入夢恬

山陽道中

本自無羈束翻然奉簡書始知閒是福方悔計元疏鴻雁
鳴中澤牛羊避大車冒寒甘况瘁何以慰窮閭

節相以檢勘墾荒 奏畱江蘇以道銓補奉

俞旨恭述三首

入林原不密出岫更何心暮景催疲馬春風起倦禽除書

需次淺薦剡受知深但恐焦桐質難期中瑟琴
計然初建策李克亦敷猷地盡揮鋤闢民宜借箸籌桑田
分海若禾黍貸河侯寬大依明詔輕租是遠謀
十千增課少尺一播恩多吏貴鳩民善朝嚴虎政苛宦
遊今老矣筋力柰衰何惟有丹心耿輸誠答太和

雨發青門留別

望雲辭魏闕冒雨別秦郊宦蹟驚前轍歸心向舊巢
勞冠蓋送人憶水雲交無政堪畱繫衝泥出樹梢

長樂古青門常開餞別樽一尊輪到我此別足銷魂莫贈
繞朝策敢希疏廣恩旁人問歸計願學邵平原

終南輸捷徑渭北感離羣熱讀過秦論深傷祖楚文一寒

憐范叔爲法笑商君莫訂重來約長無出岫雲

黃氏女自江西來省

父女不相省今逾三十年一朝喜見面千里到歸船宣髮

孤鸞影垂髫雙鳳鸞

自注攜兩外孫來

圍爐歡話舊母病亦新痊

按先生外孫黃虎卿編修兆麟同舉於鄉同成進士同人翰林孤露食貧刻苦力學不愧內外名家卽詩中所云垂髫雙鳳鸞者也

雪二首

江南三日雪栗冽甚朔風人更今年老天於易地同樽噹
翻共白爐火不能紅轉憶吟驢背詩情憾未工

本來寒徹骨且喜吏抽身容得袁安臥何妨東郭貧竹伸
低亞節梅釀厚藏春惟祝陽和至從教物候新

雙柑書屋度歲二首用玉部甘園及杜位宅守歲韻
但有三閒屋曾無半畝園移居逢歲改近市覺聲繁梅影
隨吟杖柑香浥酒尊自書春帖子春色滿柴門
三地盡爲家今宵共燭花江雲懷老鶴岱樹戀慈鴉葛藟
根應芘桑榆照易斜呼兒同煖熱得分已逾涯

湘臯學博屬題鄧鹿巖先生輓一念和尚詩墨蹟

自注

二人同住武岡
皆勝國遺民

人詩書並絕梓里舊松梁遺老得高逸後賢思表章釋儒
同古義紙墨至今香近欲作衡疏登之金簡旁

于役河渠雜詩

司空曹掾列陂湖

自注漢有陂官湖官

豈爲治經召暨儒細展漢書

溝洫志急趨使者玉麟符王尊早待投圭合買讓何勞獻
策迂傳道醜渠資引濬冗曹只合負薪芻

聞道吾鄉老鄭虔河干作吏慣身先畏途都勸公無渡行
役何知我獨賢豈向彌年徵以鬼真同梅福去如仙故人
忽聽山陽笛思舊情深感逝川

自注弔陳
睢寧朝汲

父老爲言七月雷狂風驟雨兩隄開怒濤已訝侵牀腳息
壤旋驚塞水隈微禹其魚聊自幸以鄰爲壑亦堪哀我聞
因憶徐邳下多少流民襁負來

野館寒燈雨意賒披衣早出望晴霞岸如螻蟻封城垓窟
類蠨螋捷作家好以胼胝爭食力莫因黔皙便興嗟我來
亦與傭奴伍日費餐錢走棧車

日在泥塗伴馬軍故人書到尙論文

自注得王鐵夫書

棄牛且說

皮多兕獲狗誰知在有獮我笑伶元思擁髻君偕衛鏢樂

書裙

自注答書中問

涼天幾度茸城月兩地閑忙已自分

神交鄉國訂詩緘頗喜吟杯客裏銜半榻寒瓊親短檠一

官塵土事長鑱詒書北雁霜生鬢掩映西風綫繭衫我亦

家山頻入夢明年相待理歸帆

自注周雲臺以書告歸詩以留之

筍輿小住問徭差盡井分疆共此懷百里穿渠資畚缶雨

隄塞決賦薪薪中州甲士橫磨劍南國香車墮舞釵大役

本爲民捍患咸登衽席費共排

渠成有日屬長菱行李蕭蕭出遠郊冰下寒魚空在雷夕

陽歸鳥尙無巢運斤藏璞疑修月越俎治樽笑代庖須爲

巨川宏利濟芥舟只可泛堂坳

車道嶺

一落一起千尺強陟彼截嶽之崇岡斜陂曲隨車道轉斷
崖低壓雲根藏金城曉光照草木雪嶺寒色侵衣裳登高
叱馭者誰子撫軫橫睇獨鶴翔

淝水懷古

江左夷吾第一功階前玉樹得元戎不妨折屐兒曹捷頓
使投鞭百萬空氏運已殘捫蝨後晉家權定弈棋中當年
破陣摧鋒地千載猶聞鶴唳風

將赴吳門舟中述海中風景

入境難求水味甘黃茅白葦駕驂驪那知雉堞北山北卻

憶鶯花三月三雲氣忽然來海上風光全不似江南曼卿

已作芙蓉主但賸巉岼石一龕自注石曼卿嘗判海州有芙蓉洞萬花巖故跡

聞道重湖水易瀦桑田六月化沮洳當乘未雨綢繆早敢

使無鳩勞來疏漢案戶疑通博望沙盛囊似困龍且自注博望

二鎮殷勤父老條宣洩勸我循行有故渠自注青伊湖受駱馬湖水泛溢

害民田廬當於下流開渠通湖以洩之

雨餘石罅水晶圓採掇從他不稅錢偶下朱符徵鶴戶自注

州產鶴有鶴頻題墨榜揭漁船仙禽豈受官徭繫水族何

戶近不易得自注州產容伍藉編多謝山樵獻山藥何首烏年來鬢鬢已蒼然

雨後發金陵

十日趨牙丁便回憑軒空望雨花臺風生手版看山後雲

壓肩輿出郭來春樹濃陰低尙閣寒鴉晚照遠還開自慙
俗士孤遊興應遣歸途軫欲摧

讀周春田哭鮑三南江湘詩次韻

四十年來日月馳逢君便是別君時新詩足抵唐生哭舊
識深懷鮑子知樺燭已殘人老大玉樓初召事離奇自注鮑與
吾全應奇童試識面之後不相聞讀春田詩乃知其死於凶歲零丁異常自注
謂陳竹春明會遇垂影隊自注
活禮部吹笛聲中問向期

自省恒州石湫道中

茆屋沙田傍石湫曉風料峭野雲收海中潮湧聞犇馬天
末山橫見臥牛民隱暗籌車軾上春光纔到柳梢頭相逢
父老殷勤問麥隴青青得雨不

觸目

春來無日不川塗觸目驚心愧綰符寒食清明人上冢石
田茅屋吏催租一身豈僅衰年病萬姓都如刺史臞等是
東風偏閣雨坐令南畝麥苗枯

次韻送汪浣雲入都補官

鸞鵠何曾戀宿糧

自注浣雲前爲令數十日卽引疾歸

秋高健翮稱高翔那

亭遇雨重題舫山館招雲欲入房晨夕素心情倍篤海天
落木氣先涼知君雅善成連調可爲臨岐鼓一行

飛去蒼梧欲化煙爲接螭簡近千年

自注同修州志故云

齊詩不敢

援匡鼎范史多因注李賢

自注沿革多於後漢書注得之

綠野亭前山水

古黃兒阡畔澗花鮮卷中甲子河圖在指點橋邊到日邊

被檄往鹽城撫卹水災次韻陸春甫明府

梁稻難謀雁不如，淒涼婦孺繞牆隅。
涓涯何處辨牛馬，偷柳無煙棲鷺鳬。
軫念輶飢原急務，多方疏濬是良圖。
國家豈惜金錢費，卒歲那堪庚癸呼。

亭戶耕疇隔一隄，分持提闕埋難齊。
竈煙沈海潮先上湖，

浪兼天日正西。

自注：潮已退，竈民始決隄，使者必懷袂督欲築之，適湖水大漲，民乃譁然。

郵甯達變停鞭長吏倍含悽。
范公本爲田廬設，愁對波臣面色黧。

立春日鹽城登舟王筠屋明經以詩見寄

晴雪初開射瀆煙，行人恰上檣頭船。
澤中鴻羽知寒退，江上梅花有信傳。
宦况真如殘臘後，歸蹤還讓早春先。
拳拳

獨有東臯子急遣長鬢寄一編

督振事竣回州

詩說三冬雪兆祥同雲今又護歸裝
邦人頗怪回車緩田父都緣種麥忙
苦逐簡書消歲月便將州郡當家鄉
黃童白叟迎門笑笑我新添兩鬢霜

送龍二首

設陞蔬果潔盤盂稽首陳辭敢獻謨
終歲何曾黔墨突此身只合踞眡觚
巖君共仰生同井老婦相隨酌以壺
見說朝天催上道倏筵兼備馬青芻

下臣難避衍波箋愚仗封章奏九天
敢道徒薪當坐上斷無煬竈尙遮前
不一

繫因人熱但願新炊被野煙耳聽

歸來好消息。盆一醉樂迎年。

正月五日大仙道中遇雪二首

牧人夜夢魚游沼。騶子朝驅馬渡橋。乍覺嶺頭雲欲墮。便
看衣上雪初飄。茆檐閉。宜春帖。麥隴深。培出土苗行傍
山溪溪畔柳凍煙深處已封條。

河流尙合隔年冰。野老還誇卜歲登。春到更添冬霰霰陸
行偏較水淩兢。長隄帽影齊披絮。短釣溪聲或躍層。鴉噪
暮林天未暝。郵童早試上元燈。

之通州留別東海

荒城彈指五年留。只合歸休未得休。已分拋掄羅友郡。非
關夢寐子春州。長途上阪原驚馬。到處營巢總拙鳩。人道

遷喬今出谷可能淳樸以都洲

東槎兀坐擁香芸秦闕參差對夕曛得便舟車兼訪古無
多簿領輒論文羣羊欲乳眠春草一鶴常飢喚曉雲頗怪
年來頻被檄朝朝舍已爲人耘

阜寧舟中

三板輕舟覓水涯舊痕新漲認蒹葭我行近似嗷嗷雁人
語低於閣閣蛙役久已驚余井槩信來先課木棉花但期
所治成豐稔戴月披星敢問家

舟赴鹽城

挂席流庸已繞船漂禾沈甯數三年攜來家具難求米賣
盡耕牛不值錢立發橋邊風送雨大蹤湖畔水連天涕淚

苦勸歸鄉里我是遊行播粥餽

五十四初度遊虎邱

袞袞重陽前一日諄諄八九十來人且從衙退探黃菊卻
爲秋殘戀白蘋七里塘邊停小艇三生石上認前身年年
風雨尋詩慣好趁煙汀月色新

次韻何星田山房雜興

脩途峻阪總宜休牽率疑因棧豆畱每憶故山清似夢況
悲哀鬢減於秋書慙撥鐙元和腳文黃巾蠶子羽頭一自
瑤華折湘渚五湖煙水感前游

綠杉野屋謝塵喧覓山根問水源蓮葉開時仍半舫梅
花深處自孤村輕煙淡雨添魚浪白石蒼苔印鶴痕聞說

傳經多帶草諸生齊指鄭公門

官閣荒荒兩部蛙浮名付與上牆螭
檢求澤雁年年路祈禱雲蜺日日齋
家累盡教歸竹屋宦情終合辦樓鞍
他時返舸輕裝便祇有殘書揭一牌

頻歲侈官江海閒故人休訝報書艱
打包頗似僧敷坐塵甌難爲客買山
蕉綠風傳青玉案梅黃雨護白雲關
幽居雅愛清如許息壤相期十畝閒

行鄉書所見

村農燕子閒紛如意趣雖勞樂有餘
打麥聲中閒和藪街泥影裏見春鉏
午風綠樹閒人坐斜日烏犍戀水居
頗愛枇杷新上市啖來能使舊痾除

上元月中六疊前韻三首

紫陌齊傳寶馬河蓬窗獨理蟻雙幡青山入夢屐痕在黃
濱問津樹影多贏得漁燈明夕岸載將鐘鼓盪春波休緣
行縣疑行樂甚欲遨遊奈老何自注由歲山昆山入黃濱皆十年前舊迹今未一登
鹿尻新餽白燕檀聊佐傳相供客餐顏爲孤斟紅最易草
經寒燒綠猶難殘燈獨戕水雲靜淡月一帆潮海寬笑指
江村探亥市浮圖應節覓湯官

燈花何必鬪贏輸自有光明不夜珠半舫尙陳千卷帖中
流早備一壺蘆自注是夕舟漏申江春色孤帆迺子夜潮聲萬馬
驅遮莫青黎欺素髮照人常作老梅臞

次韻何星田歲除述懷見寄

傳書叢裏度光陰豈不懷歸強自禁
半世星霜寒士骨四時風雨庶民心
訟庭惟恐堆千牘齋壁徒看挂一琴
海上三山何處是欲從騎鳳到瑤岑

江山清峻似衡湘地有文川並武鄉
揖叟擘猗俱孟信抱兒拔薤拜任棠
苔痕帶雨侵茶竈花影隨風覆印牀
泛宅浮家長作吏迴頭歲月去堂堂

功業誰將鐘鼎刊世途歷盡倍知難
年光彈指龍駒隙心事華顛著鹿冠
長孺一生長臥病釋之十載未遷官
早衰且喜逢周甲合與懸車一側看

關心民瘼欲攢眉作意周防擬枳籬
財賦漏卮持策少江淮砥柱奏功遲
冰衿長奉趨衙後雪鬢新添領郡時
慙慙

那堪閑岸幘南樓空憶庾元規

清辭含液養靈根如對寒梅引月魂卻倚村中無吠犬祭
詩俎上有蒸豚故人分俸聊攜酒兒輩橫經舊及門造物
不將塵事擾容君嘯詠是深恩

行鄉口占

郊塵十里柳陰多掀蓋迎風看野禾欲以溝塍爲曲沼便
將芋葉當新荷勃谿未化官無術直道猶存俗不訛小飯
茅簷環婦孺爲言騶從莫誰何

病中有感

簿書堆擁一山臞素抱依然且自娛孫喜背經翻水熟僕
愁對弈滿盤輸病中消息嫌人問老去文章愛客諛深荷

良朋勤勸勉好將晚景惜桑榆

喜雪

安排飯盞謝天公歲事崢嶸欲送窮寒土那求千夏屋先生自笑一冬烘帖臨晴霽時方快歌近陽春曲易工頗喜破慳猶有續殘霏滿地未全融

龍潭守風

自注謂伊墨卿客物揚舟往視其喪

無端風雨太憑陵枉渚孤舟廢寢興容易變寒秋後熱最難忍淚老年朋潮聲颯灑催征雁荻影筍慘動客銓空憶久要成詠訣擁衾獨坐夢曹騰

瓜洲曉涉

潮平不放惡風顛我舸相隨破曉煙歎逝幾人悲宦海臨

流何日賦歸田此中定有湘江水欲去非無鄂渚船底事
羨魚操釣艇休論富貴與神仙

阜寧道中

射陽湖外水流東催送行人款緒風冰面雲飛鴉陣盡樹
頭日射鵲巢紅役車歲月當垂暮野馬塵埃入半空河海
害消纔利長冬官何事又圖功

邗館度歲病瘥有感

一覺揚州夢未醒往來閱歲舊都廳寫書亦是風流過采
藥難求草木靈病想問牛逢丙吉感生歸鶴話丁令

自注謂伊

墨卿谷

西阿竹西歌吹繁華地著個寒酸稱客星

作吏年年病不斟投閒歲月任浮沈梳翎未免羣雞晚振

鬣何當萬馬瘖南斗箕張原有口北山雲出總無心陰陽
人事還相擾至竟馳驅異素礫

郁州返旆暫停驂臥對書燈寄一龜骨格本慙空冀北頭
銜又唱望江南種瓠鄉在無何有鍛柳人思七不堪莫向
鵝雛誇腐鼠卻憐蛛隱勝眠蠶

奉檄重至海州

海塾河淤幾歲年漸消烏鹵作爰田輕徭薄賦 中朝聖
度地居民大府賢鴻隙舊防黃鵠怨魚陂新漲白鷗憐因
人成事邀登進漸向窮閭計受廛

淮浦鹹池變綠疇農忙亭戶價爭售兵緣南晦喧都慰吏
向東傾笑督郵弓溯百年難合度潦深三尺未分清上均

可息錐刀競讓畔成風在遠猷

甲子河成歲月賒城東門闕有生涯作亭會紀東城筆奉
使今乘博望棹澤國桑田沈積潦山城蜃市上朝霞近來
薪米流通未添得橋邊十數家

鷹游門泊島夷船懷遠恩由守土宣剡子問官毛氏解

自江疏球失風船有入品巡官毛朝玉頗知書文翁興學舌人傳攜來白墮香

薄戴得黃冠服亦偏歸去華風誇大口躬逢嘉宴拜階前

自注夷船有酒名曰酎
官戴黃冠餘皆椎髻

山靈礪石待銘刊蘸筆滄洲興自閒澤草芒生橫海堰禪
房花發宿城山天池南徙無休息雲將東遊又往還咫尺
蓬壺風引去成連他日滌塵顏

寒

海濱八月天氣涼溼雲一夜飛冰霜小亭搖風鶴鶴叫平
洲滴露蘼葭蒼塵顏奔走近鮫室隴首區分窮蟹莊萬里
黃河有歸宿百年皓髮何蒼茫

歲除感懷三首

一年幾日不川塗自悔歸雲出岫無歲暮役車歌蟋蟀天
寒急遽困駟駘聽人穿鼻行將老向我吹毛慎所趨莫倚
舊交三十載階前羣策第迂儒

彤軒油幕擁屏簾欲獻芻蕘隔杳冥變一足行原蹉踖賊
三耳聽轉叮嚀駁願敢損陳王重視蔭難延趙孟靈試看
反唇相報速依稀昨日眼猶青

國士情懷守歲寒
白雲蒼狗變無端
笑聽漏盡銷沈易
羞語宿同苟得難
西北高樓歌者苦
東南半壁措之安
關心遊宦多年地
不覺桃符又改觀

聞黃海至上海卻寄

千里結言無後期
道同稍呂慰心知
君真騎氣黃山客
我是輿徒絳縣師
料得奚囊吟舊雨
催將役鼓作新陂
回車重把浮邱袂
海上春生柏酒卮

己卯元旦次黃海韻

老友年前特寄聲
攜來歲籥爲吾更
人逢海上三山客
天放江南一日晴
鶴髮盈顛緣百感
鵠原觸緒歎孤生
君家詩力徵耆壽
擗管爲文便喚名

自注黃海是年七十

吳淞江竣紀事

浮天震澤入三江疏鑿松江氣自降岷北何關巨浸自注

鄭康成謂三江為婁東久已塞奔瀧自注酈道元謂松江自注

婁東河分夏駕勞梳刷自注婁江今浦漲春申患擊撞自注

皆廢大黃浦是東江故道若任經流同息壤難期水利重南邦

禹功定後楚黃君經始長橫渡口雲自注黃渡為黃歇始竣吳松之地白

蜺雙泓王介甫青龍一曲范希文新豐市改屯兵岸故道自注

灘裁撩淺軍顧浦吳塘終鮮效海龍謠俗至今聞自注時童謠

要開吳松江頭等海龍王後巡撫海瑞推官龍宗武濬治成功

潮挾沙來積漸淤翻教友派溢歸墟霸王豈畏韓彭將自注

唐時江潮甚猛謂為西楚霸王學士空談郊單書雉甃荒自注

潮江旁立漢諸功臣祠以壁之

墩金作陸雀噴淺瀨不成渠况今東柳兼天湧鼓浪帆檣
駭巨魚

民功宣力省符催江上扁舟自泝徊得歲恰逢星紀分通
渠不費水衡財隆冬荷鋪隨田畯戒旦鳴鉦召里魁筋力
近衰憊短岷全憑良牧策羣才

自注謂師禹門刺史

由旬一倍記江邛提闕初枕壞更修石渡懸鐙祠沈尹

自注

黃渡城隍神爲明布政使沈公恩

洪濤沈劍拜周侯

自注康熙年松江守周侯公中錢以潘江之

役歿於潮

贈太

胙胝不惜泥埋脛糲沐何辭雪滿頭定

議水心先奏績

自注謂葉萊山大令

大川共濟在同舟

次韻韓樹屏學使

鼎晉

送別

珠玉光聯霄漢閒戴匡曾徧照秦關閩南常相重敷教朝

右端公本峻班士氣三熏沾化雨臺評十議副名山三百

平三十三峯上遙指星輶佇

召還

自注君有內轉司空之下

莫倚疏狂逞快譚周爰咨度斯從驂輶軒舊采漢三輔屏
翰長懷詩二南素播夏聲人自足奉宣德意俗宜諳江

東行過浮家地不敢依遲倚屋枌

按樹屏先生爲顯鶴甲子鄉試舉主其視學關中時有三百三十三石圖卽詩前首結句所云也

題嚴樂園觀察

如煜

漢南詩集三首

我宦東吳君宦秦相思常在漢江濱上書夙說嚴夫子領
郡齊推召信臣曾贊節樓與羽舞還從板屋賦車鄰秋齋
細讀春陵調無限痼癩視此身

從軍建策保巖岑刷彼飛鴉集泮林緯耒畊昨捐佩續

筐桑女聽鳴禽樵童牧豎無游手木客山都亦盡心一卷
阻風能化俗非同漢上詔題襟

三省邊防學素儲綢繆未雨笑誰如難修牆隙遮蘆箔欲
解雲陰擊輟車賈傅治安陳有策陽城撫字考應書自慙
衰朽無佳政願舉經猷一起予

自注時同在試院
苦雨故項聯云云

奉 命之官自都至金陵口占

紆塗上冢度鹽河柳絮榆錢逐路多行過榆山棠蔭地雲
端遙認鬱嵯峨

自注由荏平
取道赴陶山

驢腳登山老更頽兜輿扶掖上崔嵬墓門松柏如人老風
木何堪偶一來

少牢饋食敬鋪筵親缺烝嘗又七年遊子何時依宰木山

沅湘耆舊集

卷第一百十九

二十

村空自置圭田

耿老傳經一宿儒李公高尚樂桑榆南鄰北里通來往自

笑風塵面目臞

自注祠鄰老諸生耿居敬致仕州牧李杰能相過從

沅湘耆舊集卷第一百十九終